

تَبَرَاتْ نْ يَهُودَا

1

¹ غ دَارْ يَهُودَا لِي يِگَانْ إِسْمُگْ نْ يَسُوعْ لَمْسِيحْ، اِگْ گَمَاسْ نْ يَعْقُوبْ، اُولِي يِرَا رَبِّي بَابَاتْنَحْ اِغْرَاسْنْ، اِضُوفْتَنْ يَسُوعْ لَمْسِيحْ: ² اَفْلَاوْنْ اِسُوگْتْ رَبِّي رَحْمَتْ نَسْ دْ لَهْنَا نَسْ دْ تَايِرِي نَسْ.

³ كِيخْتِنْ اَيِيْتَمَا عَزَانِيْنْ مَآغْ سْ كَرَا دَرِي فْ اَدُونِيْنْ اَرَاخْ فْ نَجَا لِي نَمَشَرَاكْ، وَلَايِيْنِي اُفِيخْنْ اِسِيْبِيْدْ اِقَانْ اَدُونِيْنْ اَرَاخْ تَبَرَاتْ اَدْ فْ اَكْنْ زَعْمُخْ فْ اَتْمَاغَمْ فْ لِيْمَانْ لِي يِقْكَا رَبِّي اُولِي كَنِيْنْ وِينَسْ سْ يَاتْ تَكَلِيْتْ. ⁴ اَشْكُو كَرَا نْ مَدَنْ كَشْمَنَنْ سْ كَرْتُونْ سْ تَنْتَلَا، اَرْ سَعَضَارَنْ سْ نَعْمَتْ نْ رَبِّي فَادْ سَحْلُونْ لَفْسَادْ لِي سَكَارَنْ، اَرْتَتَكَارَنْ بَابْ نَحْ دْ سِيْدِيْتَنَحْ لِي يِگَانْ يَانْ، اَتْ اِگَانْ دْ يَسُوعْ لَمْسِيحْ. غُوِيْدْ اِسَاوَلْ يَادْ وِرَا نْ رَبِّي غَمَنْ عَادْ اِزْرِيْنْ فْ لَعْقَابْ نَسْنْ.

⁵ مَقَارْ تَسْنَمْ مِيَادْ كَلُوتْ، رِيخْ اَدَاوْنَدْ سِيكْتَايَخْ اِزْدْ مَادْ يَادْ اِجْتَجَمْ رَبِّي مَدَنْ نَسْ اِسُوفْعَتْنَدْ غْ مِصْرْ، اِنْعَا وَلِي گِيْسَنْ اُورْ اُمْنِيْنْ. ⁶ غَمْكَانْ دْ لَمَلَايْكََا لِي فْلَنِيْنْ تَبْبُضِيْنْ لِي يَاسَنْتْ اِفْكَا رَبِّي، فْلَنْتْ اِدِيْسْ نَسْنَتْ، يُوْجَاتْنَتْ غْ اِسْكَرَافْ اِلِيْنَتْ بَدَا گِيْسَنْ غْ وَاگَنْسْ نْ تِلَاسْ، اَرْ اَسْ مَقُورَنْ لِيغْ رَافَلَاْسَنْتْ اِثُوتْ لُحُوكَمْ. ⁷ اِكْتِيَادْ تَمَدِنَتْ نْ سَدُومْ دْ عَمُورَا دْ لَمَدَايْنْ لِي يَاسَنْتْ سُوْتَلْنِيْنْ، لِيغْ زَنَانَتْ زُونَدْ لَمَلَايْكََا اَنْ، ضَفُورُنْتْ زَنَا دْ لَفْسَادْ. مِيَادْ اَفْتَنْتْ اِعَاقَبْ رَبِّي سْ لَعْفِيْتْ اِدَاوْمَنْ، اَدْ گِيْنَتْ تَمَارَتْ اُوِيَاضْ. ⁸ غَمْكَانْ اَدْسَكَارَنْ اِذْ بُو تُوْرْگَا نَا اَلَا نَنْتِي، اَرْتَلَسَنْ دَاتْ نَسْنْ، اَرْتَحْكَارَنْ لَاحْكَامْ نْ رَبِّي، اَرْ رَغْمَنْ وَلِي دَارْ اِلَا لَمَجْدْ غْ اِگْنُوانْ. ⁹ اَشْكُو حَتَا مِيخَايِلْ لِي يِگَانْ اَرِيَّاسْ نْ لَمَلَايْكََا، لِيغْ اَيْطَرِي دْ اِيْلِيْسْ فْ دَاتْ نْ مُوسَى، اُورْ اِزْرَاصَارْ اَفْلَاسْ اِحْكَمْ سْ كَرَا نْ گَارْ اُوَالْ، اِسْ اَسْ كَا اِنَّا: «اَدَاكْ اِوَاجِبْ رَبِّي!» ¹⁰ وَلَايِيْنِي مَدَنْ اَدْ اَرْ رَغْمَنْ اَيْلِي اُورْ سَنْ. اَيْلِي سَنْ زُونَدْ لُبْهَانِيْمْ لِي اُورْ لَنِيْنْ لَعْلْ، اَسْ خَلُونْ اِخْفَاوَنْ نَسْنْ. ¹¹ نَجْرَا گِيْسَنْ! اَشْكُو ضَفُورَنْ اَغْرَاسْ نْ قَابِيْنْ، جُلُونْ غَمْكَلِي يَجَلَا بَلْعَامْ لِي يِزَّانْ غْ اَقْرِيضْ، مَتْنْ اَشْكُو عَصَانْ زُونَدْ قُورَحْ. ¹² مَدَنْ اَدْ اَرْكَنْ تَلَسَنْ اِغْ اَدِيْدُونْ شَتَانْ غْ زَرَادِي لِي تَسْكَارَمْ كَنِي دْ وَايْتَمَاتْنْ. اُورْ حَشْمَنْ، اُورْتْ اُوِيْنْ اَبْلَا غْ اِخْفَاوَنْ نَسْنْ. گَانْ زُونَدْ اِمْدَلَا غْ اُورْ لِيْنْ وَمَانْ اَرْتَنْ اِتُوي وَضُو. كَنْ اَصْغَارْ لَخْرِيْفْ اُورْ اِسْكَارَنْ لَغَلْتْ يَكُوفْدْ اِمْتْ سَنَاتْ تَوَالْ. ¹³ كَنْ زُونَدْ تَضَنْكَوِيْنْ هَجْنِيْنْ غْ لُبْحَرْ اَرْدْ تَلُوحْنَتْ اَلُوفْ زُونَدْ گَارْ لِي گِيْسَنْ اِلَآنْ. كَنْ زُونَدْ اِترَانْ لِي جَلَانِيْنْ اَرْسَرْسَنْ اِتْقَلْ وَاگَنْسْ نْ تِلَاسْ اَبْدَا گِيْسْ اِلِيْنْ. ¹⁴ غُوِيْدْ اَفْ اِكَاشَفْ اَخْنُوخْ لِي يِگَانْ وِيْسْ سَا غَمَنْ اَدَمْ لِيغْ اِنَّا: «هَا سِيْدِيْتَنَحْ يُوْشْكَادْ اِمُونَدْ دْ وَلَفِيُونْ فْ وَلَفِيُونْ نْ لَمَلَايْكََا نْ رَبِّي، ¹⁵ اِثُوتْ لُحُوكَمْ فْ كَرِيْكَاتْ يَانْ، اِعَاقَبْ كَلُو وَلِيْتْ عَصْنِيْنْ فْ كُولْ مَادْ سَكَرَنْ نْ گَارْ، دْ كَرِيْكَاتْ

16 گَارْ أَوَالْ لِي سَ أَتْ رُكْمَنْ گَارْ مَدَنْ لِي عَصِينِ». مَدَنْ أَدُ أَرْ بَدَا سَمُومُونِ أَرْتَشَكَّانْ سَ وَيَاضْ، ژَانْ
 غَ گَارْ شَهَوَاتْ نَسْنِ، أَرَسَوَالَنْ إُولِيُونْ نَ لَكِيرِ، أَرْتَالْغَنْ وَلِي غَ أَسْنِ تَلَا لَفَايْتْ.
 17 وَلَايْنِي كَنِي أَيِيْمَا عَزَّانِيْنِ تِيكْتِيَادْ إُولِيُونْ لِي سَ يَادْ نَانْ إِرْقَاصَنْ نَ سِيْدِيْتَنَخْ يَسُوْعْ لَمَسِيْحْ. 18 أَشْكُو
 نَانْ أُونْ: «إِسْ رَادْ أَشْكَنْ غَ أَسَانْ گَرَانِيْنِ كَرَا نَ مَدَنْ كَنِيْنِ إِمْطَنَازَنْ، ژُونْ غَ گَارْ شَهَوَاتْ نَسْنِ». 19
 غَوِيْدْ أَكَنْ يَطَّانْ، أُوْرْ ضَفُورَنْ أَبَلَا گَارْ شَهَوَاتْ نَسْنِ، أُوْرْ كِيْسَنْ إِلِي رُوحْ لَقُدْسْ.
 20 وَلَايْنِي كَنِي أَيِيْمَا عَزَّانِيْنِ بَنَايْتْ إِخْفَاوَنْ نُونْ فَ لِيْمَانْ نُونْ إِيْتِيَوْقَدَسَنْ، أَرَطْزَلَامْ سَ رُوحْ لَقُدْسْ، 21
 غَمَايْتْ غَ تَايِرِي نَ رَبِّي، أَرْ تَقْلَمْ سَ رَحْمَتْ نَ سِيْدِيْتَنَخْ يَسُوْعْ لَمَسِيْحْ لِي رَدَاوَنْ إِفَكْ تُوْدَرْتْ إِدَاوَمَنْ. 22
 تَحْنُويَاتْ غَ وَلِي سُولْ دَارْ إِلَّا شَكْ، 23 أَرْدْ تَكْسَمْ وَيَاضْ إِلْعَفِيْتْ تَفُوكُومَتَنْدْ كِيْسْ، أَرْتَحْنُومْ غَ وَيَاضْ
 تَكْصَاضَمْ أَيْلِي سَكَارَنْ، تَحْشَامْ حَتَّا تَمْلَسِيْتْ لِي تَلَسْ دَاتْ نَسْنِ.
 24 أَيْلِي لَمَجْدْ إُولِي يَزْضَارَنْ أَكَنْ إِسَافْ إِلْعَطْرَتْ، أَرَكِيغْ كَنْ إِسْبِيْدْ غَ لَكْدَامْ نَ لَمَجْدْ نَسْ إِطَايْ كِيُونْ
 كَرِيْكَاتْ لَعِيْبْ إِفْكَوَنْ لَفَرْحْ إِكُوتَنْ، 25 أَدَاسْ يِلِي لَمَجْدْ نَتَّانْ لِي يِنْكَانْ رَبِّي لِي يِنْكَانْ يَانْ، إِكْ أَمَجْنَجَمْ نَخْ،
 سَ سِيْدِيْتَنَخْ يَسُوْعْ لَمَسِيْحْ، أَدَاسْ يِلِي لَمَجْدْ دَ تَمُوغَرَا دَ لُجْهَدْ دَ لَاحْكَامْ، غَمَنْ لِيغْ أُوْرْتَا إِلِي أُمِيَا، دَ غِلَادْ
 أَرْ تِيْنِ وَبَدَانْ.